



○ **Informaziuns dal consei pastoral:**

sontada en dedemesaledema ai 7 de jügn - al ven traté chisc punc: laé la dljia, prozesciuns fora Brach y prozesciun a Curt, ciasa dal Mone.

8 promile: vigne porsona co á en davagn (pensiu o laur) á la poscibilité da firmé por che la **dljia catolica** ciafi le **8 promile** dles cultes. Chi co fej la detlaraziun dla culta pó le dé dant enlò, i atri pó dé jö en formular aposta co é motü fora te dljia. En lönesc de Pasca de Ma, do l'ora d'adoraziun, vegnel enformé, te calogna bas ete, plü avisa co scrí fora i formulars. La diozeja y la ploania preia der bel do Osta firma.

- **La Musiga:** la Musiga d'La Pli envieia düc der bel al **concert de Pasca de Ma**, ai 04 de jügn ales 20:30 te Ciasa dles Uniuns.
- **Scizeri:** i Scizeri d'La Pli met fora por cört tomp (sön la gran plaza) en armé dla posta por comunicaziuns desvalies. Al foss ince la poscibilité da cumpré bandires de Tirol o ladines. Por informaziuns o por comané bandires telefoné a Michael, ☎ 366 4700334.

 **Funziuns liturgiches sö La Crusc**



sabeda ai 10 de jügn: traslaziun dla Santa Crusc

ales 7:30 prozesciun da San Linert sö La Crusc,
ales 9:30 Santa Messa.

Le lift da La Crusc é en funziun dai 17 de jügn cina ai 24 de setember dales 8:30 ales 17:30.

 **enformaziuns y termins**

KVW Senioreclub: en dedemesaledema ai 7 de jügn peiun ia ales 7:30 dal Cone demez cole bus, por jí a Völs a vijité la fabrich da praté café (Rösterei) "Caroma". Dedô ván a marena al Völser Weiher. Prenotaziuns pa Lidia, ☎ 339 7899107.

Sorvisc ai Jogn: La Consulta Provinziala ala Joneza Ladina adöm al Sorvisc ai Jogn Val Badia organiseia na sera d'enformaziun sora le frabiché, en vendres, ai 9 de jügn ales 20:00 tal Zenter dla Joneza y dla Cultura SaJ.un a La Ila. Al baiará le Dr. Ulrich Klammsteiner, vizediretur dl'Agencia CiasaClima co portará dant les novités sora la ciasa clima A co val dal 2017 encá. Le Dr. Fortunato Verginer, comercialist, baiará de finanziaonc y de agevolaziuns fiscales. Dedo ará düc la poscibilité da fá domandes.

Ocio: l'apoteca d'Al Plan romagn slüta dai 3 ai 10 de jügn.

Döt le bun a:	Angela Frena Rovara	05.06.1932
	Marta Maria Teresa Rubatscher Erlacher, <i>Al Plan</i>	09.06.1932
	Angela Maria Erlacher, <i>Uttenheim</i>	09.06.1937
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



La scincunda dal Spirit Sant

 **St.Ap 2, 1–11 | 1 Cor 12, 3b–7.12–13 | Jan 20, 19–23**

Dal Vangelo do San Jan:

¹⁹La sera dal pröm de dal'edema, canche i discepui â, dala tema dan dai iüdes, saré pro les portes, él gnü Gejú, é jü amesa ei ete y ti á dit: Pêsc a os! ²⁰Do cöstes parores ti ál mostré söes mans y so costá. Danló se ralegrâ i discepui da odei le Signur. ²¹Gejú ti á ciamó n iade dit: Pêsc a os! Desche le Pere m'á mené me, ensciö ves meni iu os. ²²Do ch'al á albü dit cösc, ti ál fladé ados y ti á dit: Ciafede le Spirit Sant! ²³A chi co os ti lasceis do i picés, ti éσαι lascés do; y a chi co os ne ti i lasceis nia do, ne ti éσαι nia lascés do.

I ponsun do

Da Pasca de Ma se recordunse che Chelbeldio opereia tla Dlijia dal meterman encá y endespra entres endô entusiasm. Le Vangelo nes dij, ci che Gejú á fat le dé de söa ressozeziun, mo ince ci ch'al opereia te nos, dandadöt tla confirmaziun. Tla confirmaziun sozedel avisa ci che le Vangelo cunta: tres le sorvisc dla Dlijia gnunse sigilés con le Spirit Sant, la scincunda de Chelbeldio; i ciafun le salüt de pêsc y i gnun menés fora a ester testimoni de Gejú Crist.



I periun

Gran Dio, le Spirit de to Fi ô formé nosta vita y nosta Dlijia. Daüresse a söes operes y fá ch'al vegni entres endô Pasca de Ma danter nos. Por Crist, nosc Signur.

Wilhelm Egger "Sonntagsbibel"

 **Letöres dla Gran Festa dla SS. Trinité:**

Es 34, 4b.5–6.8–9 | 2 Cor 13, 11–13 | Jan 3, 16–18

Edema liturgica dai 04.06. ai 11.06.2017

DOM 04.	GRAN FESTA DE PASCA DE MA Clothilde, Crista, Quirin, Werner
08:30	“Veni creator”, gran messa ciantada en onú dal Spirit Sant por dōta la ploania <i>oferta por i debojügn dla ploania</i> ♫ Wolfgang Amadeus Mozart, “Missa brevis in G” ▶ ores d’adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia
14:00	espi da festa y benedisciun eucaristica 10:00 s.m. a Al Plan
Lön 05.	LÖNESC DE PASCA DE MA Bonifaz, Igor, Ferdinand <i>al va ennant le temp ia por l’ann</i>
08:30	gran messa ciantada por + sig. Merch Graffonara, ♫ I Ciantadus s.m. por + Angelica Ellecosta Declara, San Ciascian s.m. de ringraziamont dla fam. Hilda Erlacher, Tomele ▶ ora d’adoraziun por duc
Ded 06.	Norbert da Xanten, Kevin, Bertrand
▶ 07:45	s.m. dai scolari por + Ottilia Clara Comptoi, de Mano s.m. por + Nazio Erlacher, Cargá
Dem 07.	Robert, Amadio
18:00	s.m. a Al Plan
Jöb 08.	Medard, Helga, Engelbert
19:30	s.m. d’aniversar por + Tone Ellecosta, La Costa s.m. de ringraziamont dla fam. Otto y Heidi Ellecosta, Gogn
Ven 09.	Efrem, Vinzenz, Colomba
07:10	s.m. a Al Plan
Sab 10.	Sabeda de Santa Maria beat Heinrich da Balsan, Diana, Stachio
07:30	s.m. por + Emma Frontull ved. Ellecosta, Bastl s.m. de ringraziamont en onú de Santa Maria dal Bun Consei
DOM 11.	GRAN FESTA DLA SS. TRINITÉ Barnabas, Paula, DOMEGNA DLES FAMILIES Alice (Adelheid)
08:30	gran messa por dōta la ploania, al sará ince atló le miscionar sig. Pio Dapré → <i>oferta por les misciuns</i>
10:00	s.m. a Al Plan

ampola: por la familia d’André

ministronc: ▶ da doman y domegna: Sabine Trebo y Sonia Erardi
▶ da sera y domegna: Karin Rindler y Anita Brandlechner

i recordun: Tone Ellecosta + 07.06.2008



I periun con i confermés do les set scincundes dal Spirit Sant:



Vi, Spirit Sant, tō **Spirit dla sapionza!** Deidemo meter mia vita sön fondamontes sogüdes. Lásceмо ponsé do endortōra denanco tó na dezijiun. Fá ch’i ne mo slüji nia ete mo ch’i mo daüri ai atri.

Vi, Spirit Sant, tō **Spirit d’intelionza!** Deidemo odei ete ci co é bun y dert. Lásceмо porté dant mia minunga con sinzirité y ciarenn da capí i atri.

Vi, Spirit Sant, tō **Spirit dal consei!** Deidemo da tó consei con prudenza y da dé de der conseis, sc’i vegni perié. Tō mo báies ados tla Sacra Scritōra. Tō mo báies ados te ci co sozed encer me ia. Tō mo báies ados tai conseis de de bones porsones. Tō mo báies ados te mia coscionza: i ô t’ascuté.

Vi, Spirit Sant, tō **Spirit dla conescionza!** T’as fat la creaziun do n plann sapiont y t’as motü leite de gran poscibilités ch’i podun sfrüté. I oress emparé da conesce tres deplü to monn y colaoré por le ben de dōta la jont.

Vi, Spirit Sant, tō **Spirit dla forza!** Deidemo superé la comodité y la pora. Dámo coraji canche ara se trata da sté ete por mia fede y mia convinziun.

Vi, Spirit Sant, tō **Spirit dla pieté!** Deidemo ch’i mo recordi tai segns da vignedé ch’i sun orü da Chel Bel Dio. Enségnemo da perié aladô ch’i ciafi forza da jí ennant y vegni lede. Deidemo da m’astelé do la orenté de Dio.

Vi, Spirit Sant, tō **Spirit dal timur de Dio!** Enségnemo da odei ete tan bun y tan sant che Chel Bel Dio é y tan de ligreza che so confort mo dá, che degün fai y degüna colpa ne sciafia da mo destaché da d’el. Enségnemo da avei respet por i evenc y les cosses che Chel Bel Dio adora da mo baié ados.

Lass dich begeistern – Gott bringt dich in Bewegung

